



Jacobus ille suis uigilijs & studijs in uirum doctissimum euasit. Erat is ad soluendas quæstiones omnis generis promptissimus, sermone aperitus, & ingenio clarus. Inde Carthusianū ordinem assumpsit, atq; domus montis S. Saluatoris propè Erdfordiam Vicarius constitutus est: ut autem doctrina ita & moribus atq; uitæ integritate omnes eius loci superabat. Vnde literis & orationibus datus, plurimos libros conscripsit, quibus nomen suum ad posteritatis notitiam transmisit. Scripsit autem de anno Iubileō, de moribus Christianorū, de triplici statu hominum, de causis malorum, de cognitione secretorum, de ueritate, de potestate canonum, de dignitate iacerdotij, de obseruatione mandatorum, de Indulgentijs, & de arte moriendi cum multis alijs. Moritur temporibus Friderici tertij, & Pauli papæ secundi, anno millesimo quadringentesimo sexagesimo sexto. Trit.